

ITZ GOZOAK

EURIA EGIN EBAN ATZO

Euria egin eban atzo, euri ederra,
legorte luze bat igaroz gero, euria;
eta, gaur be, egunaz dator sirimiria,
indar barritzeko izadi zimel, igerra.

IÑAKI MARTIARTU

OSAGARRIA

Urtiak juan urtia etorri, dana da aldatu.
Gaztetasuna iges eginda, au da zartzaro.
Dana motela, dana da illuna,
alaitasuna, txorien antzez
aizian egaz, urrindu yaku.

Josue, antziñan gurendan eske,
ordu batzutan euzki, bidian geratu erazo.
Beste orren beste, Jauna'ri eskarrak,
une laburran egiteko, ba daukot era.

Illoba irudi, euren laukian,
ormen eskeita, or dagoz biak.
Aren aurrian jesarri eta
biok batera beitzen nabe,
irri-barreka maitetasunez.
Biotz barrutik alaitasuna
beinguan igon arpegiraño;
barre samurra espanetara,
neure erantzuna ta... iituna uxatu!

UTARSUS

ROTHENBURG-eko NIRE GOGAMENAK

Ze erreza oi da begiratzea,
ze gatxa ezer ikustea.

Ze erreza oi da entzutea,
ze gatxa ezer aditzea.

Orren gatxa bada bilatzea,
are gatxago aurkitzea.

Ze erreza oi da maitemintzea,
ze gatxa maitatzea.

Ze erreza oi da egotea,
ze gatxa sentitzea.

Orren gatxa bada alkar ulertzea,
are gatxago apala izatea.

Ze erreza oi da berba egitea,
ze gatxa sinistea.

Ze erreza oi da guzurretan eragotea,
ze gatxa egia esatea.

Orren gatxa bada uts egitea,
are gatxago zintzo irautea.

Ze erreza oi da salatzea,
ze gatxa norberaren errua onartzea.

Ze erreza oi da aaztea,
ze gatxa parkatzea.

Onen gatxa izan bada eregitea,
are gatxago ete izango luzaro irautea...!

IÑAKI MARTIARTU
ROTHENBURG OB DER TAUBER
1988-8-22

ATEOAREN OTOITZA

Entzun nire deia etzaran Goiko Urtzi
ta bil beiz Zure ezak nire intziriak,
poz barik Zure trikimailuen ziriak
inoiz be ez dau ba gizon pobrerik utzi.

Gure otoitzen morroi, pozez gozuz jantzi.
Nigandik ta urrunago Zure begiak
urrago ditut amaren ipuin eztiak
ene ainbat gau betilunen poz-igurtzi.

Bai aundi Zu ene Jainko. Ain aundi zera
Idea utsa bait zera. Dana txikia
zabala gura arren Zu barruan artzeko.

Zure erruz Jauna nabilkiuz minbera,
etzaran Jainko. Egiz ba zeunko bizia
ni neu be benebenetan nintzakelako.

Euskeraz: A. BIDAGUREN

UNAMUNORENAK